



IT SYSADMINS EGYPT
Transfer Your Knowledge

SIEM

SECURITY INFORMATION AND
EVENT MANAGEMENT



[HTTPS://ITSYSADMINS-EG.ORG](https://itsysadmins-eg.org)

Table of Contents

..... 3	3
..... 3	3
..... 3	3
..... 4	4
..... 4	4
..... 4	4
..... 4	4
..... 5	5
..... 5	5
..... 6	6
..... 6	6
..... 6	6
..... 6	6
..... 7	7
..... 7	7
..... 7	7
..... 7	7
..... 8	8
..... 8	8

ايه هو ال SIEM ؟

SIEM (Security Information and Event Management)

هو نظام يساعد الشركات على جمع وتحليل ال(Logs) اللوجات يا هندسة) الي بتخرج من كل الأجهزة الي في الشبكة، وده بيخليها تكتشف التهديدات والهجمات المحتملة وتتصرف بسرعة، هحاول اشرح الموضوع بطريقة مبسطة من وجهة نظري التي لا قيمه لها بردوا (👍)

SIEM مكونات ال

(Log Collection) جمع اللوجات:

بيجمع اللوجات من كل أجهزة الشبكة زي السيرفرات، الراوترات، وأجهزة الكمبيوتر، ويحطهم في مكان واحد

(Log Storage) تخزين اللوجات:

بعد ما يجمع اللوجات، النظام بيخزنها لفترة محددة عشان تقدر ترجع لها في أي وقت تحتاجه. اللوجات دي ممكن تبقى مفيدة جدًا في تحقيقات أمنية لاحقة لو حصل هجوم أو تهديد معين

(Event Correlation) تحليل الأحداث:

هنا بقي ببيجي الجزء الذي، مش بس يجمع البيانات، كمان بيحللها بشكل آلي، بيحاول يربط بين الأحداث اللي حصلت في أكثر من جهاز أو مكان في الشبكة عشان يشوف إذا كان في تهديد أو هجوم بيحصل مثلاً، لو حد حاول يدخل على جهاز بشكل غير مشروع أكثر من مرة في وقت قصير، أو لو في بيانات غريبة بتنقل في الشبكة، هيكشف السلوك ده بالصلاة علي النبي (عليه افضل الصلاة والسلام)

(Security Alerts) تنبيه الأمان:

اكتشف حاجة مش طبيعية، زي محاولة اختراق أو نشاط مريب، هيبعت تنبيه فوري للفريق الأمني. التنبيه ده بيقلهم إن في لو مشكلة لازم ياخدوا بالهم منها ويتصرفوا بسرعة

(Forensic Analysis) : تحليل الأحداث السابقة

بيديك القدرة ترجع تشوف كل اللوجات اللي اتجمعت وقت الهجوم، وتعمل تحليل مفصل عشان لو حصل هجوم أو اختراق فعلي ده يساعد الفرق الأمنية إنها تاخد دروس للمستقبل وتمنع تكرار الهجوم، تعرف إيه اللي حصل وإزاي الهجوم تم.

(Reporting) التقارير:

بيطلع تقارير دورية عن كل اللي بيحصل في الشبكة، زي عدد المحاولات الغير شرعية للدخول أو أي نشاط مريب التقارير دي بتساعد الإدارة وفريق الأمن ياخدوا قرارات بناءً على البيانات الموجودة

دي المكونات الأساسية و كل منتج مصنع من شركه يبقي ليه مميزاته زي مثلا ممكن تلاقي منتج SIEM بيلمتمتع بخصايه قياس مدي توافق الأجهزة مع المعايير ممكن مثلا "File integrity Monitoring" وفي انظمه في ال نظام ال SIEM مش بتشتغل بس على البيانات اللي بتجيله من داخل الشبكة، لكن كمان بيقدر يستعين بمعلومات خارجية عن الهجمات الإلكترونية اللي بتحصل حول العالم، ده يساعد يربط بين البيانات اللي جاياله وبين التهديدات المعروفة في الوقت الحقيقي، فلو فيه هجوم جديد منتشر عالميا، ال SIEM يقدر يكشفه بسرعة لو حصل في شبكتك، ويديلك تنبيه قبل ما التهديد ينتشر أو يسبب ضرر كبير وده اللي بيسمه "Threat Intelligence Feeds"، وده كله علي سبيل المثال و ليس الحصر نفتح قوس لحضراتكم واقفلوه في التعليقات بعد اذنكم.....(17)

نظام ال SIEM يجمع اللوجات من أنظمة وأجهزة مختلفة في الشبكة، وده بيتم باستخدام مجموعة من الأساليب اللي بتسمحله بدمج وقراءة البيانات بطريقة موحدة، حتى لو الأنظمة دي مختلفة في طريقة توليدها للبيانات. طيب إزاي ده بيحصل؟

إزاي ال SIEM يجمع اللوجات من أنظمة مختلفة ويوحد قراءتها:

1. استخدام ال: Agents

في بعض الأحيان، ال SIEM يستخدم برامج صغيرة اسمها "Agents" بتثبت على الأنظمة المختلفة زي السيرفرات، أجهزة الكمبيوتر، أو حتى التطبيقات. ال Agents دي بتكون مسؤولة عن جمع اللوجات بشكل مباشر من كل جهاز وترسلها لل SIEM. الوظيفة الأساسية لل Agents هي إنها توحد البيانات وتبعتها للنظام في شكل مفهوم ومناسب للتحليل.

2. الدعم للبروتوكولات الموحدة:

معظم أنظمة ال SIEM بتدعم بروتوكولات قياسية زي Syslog أو SNMP التي بتساعد في جمع البيانات من أجهزة الشبكة المختلفة (زي الروترات والسويتشات) بشكل موحد. الأنظمة المختلفة بتولد بياناتها وتبعثها لل SIEM باستخدام البروتوكولات دي، وال SIEM بيقدر يفهم اللوجات دي بسهولة.

3. التحويل والتنسيق: (Normalization)

لما اللوجات بتوصل لل SIEM، يتم تحويلها أو "تطبيعها" (Normalization)، يعني النظام بياخد اللوجات من مصادر متعددة وبأشكال مختلفة، ويحولها لشكل موحد بحيث يكون سهل تحليله. ده بيخلي ال SIEM يقدر يتعامل مع البيانات بسهولة بغض النظر عن مصدرها أو نوع الجهاز اللي جاي منه.

4. تكامل: (APIs Integration) API

بعض أنظمة ال SIEM بتستخدم API لربط الأنظمة المختلفة وجمع اللوجات بشكل مباشر. ال API يسمح لل SIEM إنه يتواصل مع الأنظمة أو التطبيقات ويطلب منها البيانات أو يستقبلها بشكل مستمر ومنظم.

5. مستودعات اللوجات المركزية: (Centralized Log Repositories)

بعض الشركات بتستخدم مستودعات لوجات مركزية عشان تخزن كل اللوجات في مكان واحد قبل ما ال SIEM ياخذها ويحللها. النظام بياخد كل اللوجات من المستودع المركزي ده، وده بيسهل عملية التحليل لأنه بيتم في مكان واحد.

إزاي بيوحد البيانات؟

بعد ما اللوجات بتتجمع من الأنظمة المختلفة، مرحلة التطبيع (Normalization) هي اللي بتقوم بتوحيد البيانات. التطبيع هو عملية تحويل اللوجات الي جاية من مصادر مختلفة لأشكال قياسية، يعني بيحط كل البيانات في قالب واحد بحيث يكون سهل فهمها. كل لوج بيتم تحليله حسب نوعه (زي هل هو لوج دخول، أو خطأ، أو محاولة اختراق)، وبعد كده يتوحدوا عشان ال SIEM يقدر يربط بين الأحداث المختلفة. بفضل العمليات دي، ال SIEM بيقدّر يتعامل مع أنظمة وأجهزة كثيرة جدًا ومتنوعة ويحلل البيانات بشكل دقيق، حتى لو الأجهزة دي بتولد أنواع مختلفة من اللوجات.

اضرار ال SIEM لو مفيش فريق عمل متخصص

وجود السليم لوحده من غير فريق متخصص ممكن يسبب مشاكل بدل ما يحلها، زي إيه؟

(Too Many Alerts) كثرة التنبيهات:

هتغرق في التنبيهات من غير ما تعرف تفرق بين اللي يستاهل و ايه والي لا.. زحمه في ايميلك بس وصداع علي الفاضي.

(Understanding Logs) فهم اللوجات:

اللوجات معقدة ومحتاجة تحليل دقيق، لو مفيش حد فاهم، ممكن تهديدات خطيرة تعدي من غير ما تاخذ بالك

(System Management) إدارة النظام:

محتاج متابعة دورية وتطبيق عشان يشتغل بكفاءة. لو مفيش إدارة صحيحة، ممكن يبقى غير فعال

طيب ايه الفريق اللي محتاجه او الإدارة اللي محتاجها أي مؤسسة عشان تديره ؟

هو فريق :

SOC (Security Operations Center) ، ومحتاج الناس الحلوة دي :

(Security Analyst) محلل أمني

يراقب التنبيهات ويحلل اللوجات عشان يعرف إذا كانت التهديدات خطيرة ولا لا

(Security Engineer) مهندس أمني

محتاج مسئول عن اعدادته و ادارته عشان يشتغل بكفاءة

(Incident Responder) خبير استجابة للحوادث

بيتدخل بسرعة لما يحصل هجوم أو تهديد عشان يحله قبل ما يتفاقم و الفأس تقع في الراس.

خلاصة القول <<<<<<

الSIEM

هو أداة قوية لتحسين الأمن في شركتك، لكن لازم يكون عندك فريق متخصص عشان تقدر تستفيد منه بشكل فعال.

لو معندكش الفريق ده، ممكن تبقى اللوجات والتنبيهات مصدر إزعاج بدل ما تكون مفيدة....

انا مش هذكر أسماء أي أدوات او منتجات لو ليك تجربة مع النظام ده أو أي تعليق، ياريت تشاركني تجربتك



أراكم علي خير....

متنساش تتابع البودكاست و الدعاء<<<<<

https://music.youtube.com/playlist?list=PL8Sl8JhOhmTdlDwW_f738YIInZOuEYiN9&si=-D36sio03xcEb3aC

وتقدر تابعنا علي تليجرام : <https://t.me/+NGqtypVPPIJjZDlk>

وكان عندنا موقع من ٢٠١٩ محدش يفتحه 😊: <https://itsyadmins-eg.info>

شكرا انك فتحت الملف و قرئته وصلت للنهاية ، لاتنسنا بالدعاء

تابعني علي لينكيدان :



[https://music.youtube.com/playlist?list=PL8Sl8JhOhmTdlDwW_f738YIIInZOuEYiN9&si=-](https://music.youtube.com/playlist?list=PL8Sl8JhOhmTdlDwW_f738YIIInZOuEYiN9&si=-D36sio03xcEb3aC)

D36sio03xcEb3aC